

DEO OPTIMO MAXIMO VNI ET TRINO, VIRGINI DEIPARÆ ET
SANCTO LVCE ORTHODOXORVM MEDICORVM PATRONO.

QVÆSTIO MEDICA.

QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM, DIE MERCVRII XX. DECEMBRIS,

M. IOANNE FORESTIER, Doctore Medico, moderatore.

949

An contumacibus morbis ex stibio purgatio?

CONTUMAX morbus non vnus est generis; nam & acutus eiusmodi esse potest, si non frangatur remediis; & qui natura longus est, vulgò contumax dicitur. Quid autem facit morborum contumaciam? naturæ imbecillitas, morbifici humoris plenior copia, vel maligna vis ab eximiâ putredine exortâ, & quæ à cruditate venit pigrities: augent & alunt contumaciam absurda victus ratio, & intemptius remedium vsus; anni etiam tempestas, cæli status, soli natura, consuetudo aliquid faciunt: sic non vna esse potest omnium contumacium morborum medicina; quorum vt varia & multiplex natura est, ita penè infinitus est remedium numerus. Nunc addendæ cibis vires, nunc mutanda mala temperies, nunc exhauriendæ venæ, aliquando viscera; vincenda putredo, excoquenda cruditas, coercenda gula, interdicens alienis remediis; denique cum praua consuetudine, cæli iniuriâ, infestoque soli genio pugnandum est: vt non satis videant, qui, omisis cæteris auxiliis, omnia putant in sola purgatione collocanda.

PURGANTIVM genus omne duplex est; quorum alterum verè hoc nomen vsurpat; humores enim excernendos eligit: alterum improprie sic appellant; nam quicquid ipsi occurrat, sine delectu secum abripit: huius duæ etiam censentur species; vel enim solâ acrimoniâ lacecessit partes, in quas venit, & ab ipsis vnâ cum aliis humoribus aliquâ cum perturbatione deuoluitur, vel suo ingenio noxium inimicas vires effundit quaquaversum, halatque pestem per omnes quasi portas corporis, grauiter afflicta naturâ prorupturam. Ab hac purgantium specie, quouis in morbo, benè prudens medicus semper abstinuerit, multo magis in contumaci, quando purgationis vsus est: quippe ferocem immittemque humorem & tandiu remediis obliuantem demulcere potius, quam furere conuenit; neque solum venenata, & noxia vitare oportet, verum etiam quælibet perturbantia vehementer reformidare, summa medicorum solertia sit, ægrorumque securitas.

STIBIVM adscripsit purgantibus posteriorum medicorum ætas, haud satis cautè: nam venenum est, eo nocentius, quo magis excoctum est; adeo humores & spiritus toto corpore inquinat, & dira tæbe partes exedit: cum autem hæc ferè sit omnium metallicorum fors, vt hausta valdè noceant, etiam quæ exteriori in corpore adhibita proficiunt, onanium tamen stibium ferè perniciosissimum est, æternamque labem inurit visceribus, nullis detergendam antidotis: quin paucissimum exitiale est; neque vlla arte fieri potest, vt, depositâ venenatâ vi, solam vacuatricem retineat; hoc etiam facit ad vacationem quod venenum est. Scilicet acceptum stomacho, vt primum concaluit, pestifero halitu, contactuque incescat omnia: hinc naturæ pugna cum eo est, rem noxiam deturbare conueniens, quacunque patet exitus, non solum vomitu, secessu, & vrinis, sed aliquando etiam hæmorrhagiâ breui perditura sic purgatus. Felicesne quorum vitæ pepercit? an feliciores quos morborum, & grauioribus reliquæ vitæ molestiis celeriore fato exemit?

EX stibio purgare veneficorum primam artem fuisse credibile est; vt, specie remediij, mercede conducti homines impune trucidarent: arrisit tamen delicatis ægris eadem, sed non intellecta ratio; quia iucundo sapore fallebat, neque omnes statim occidebat medicamentum. Incautos interea medicos sollicitauit spes famæ fortunæque melioris, vt æmuli fierent turpium agyrtarum vel fraudis vel erroris: hinc exorti, quos nuper ille vocabat, insontes venefici, qui gustus feruient deliciis, & in contumacibus morbis, ne quid inexpertum relinquerent, etiam venena propinarent, quasi in humano corpore cum vitiosis humoribus commoritura. At stibium nunquam sese exiit, & vt cunque valeant hominis vires, vel in posterum nocet; non hos illosue humores in corporibus optat, quos secum auferat, sed omnia permiscet, conturbat, fœdat: vt in cholera nullo solatio plurimum deicitur, euomiturque, sic ex stibio purgatio nunquam leuat: casus est quidam exacerbati morbi, quò non interire, tam salus est ægrotanti, quàm latroni viator vitam debet, à quo grauem aliquam, sed non vltimam plagam accepit.

CONTUMAX morbus epilepsia, quam breui obducto stibio desitura est in apoplexiam; & ipsam vltimam rerum lineam homini futuram: quid sopor? quam faciliè sic coercitus suo locum dat consanguineo? pertinacem etiam inuictumque lateris dolorem, pulmonisque morbum quam sæpe atroci morte commutauit stibium? nihil tæbe contumacius; at nullum ei venit à stibio auxilium, sed potius præceps ineluctabilisque perniciēs: caneros vero vt irritat! vt qualescunque ventris dolores, seu certo, seu incerto tempore redeuntes, ingeminat, lethalesque reddit! vt rheumaticos interficiendo dilaniat! febribus quidem continuis aduersissimum; ad tollendas intermittentes nefarie commendatur. Heu quoties febris intermittens ostentatâ spe certâ salutis, longinquitate tamen grauis & stibio digna credita, ab eo malè multata, cum ipsomet ægrotante mille confecto doloribus, extincta est! quid enim? nulli vel leuiori morbo datur, quo non grauiorem creet: eo verò semper duriora contingunt omnia, quo ferocior humor est, qui morbum excitauit: qualis est contumacium morborum parens, quem stibium mirifice exagitat accenditque magis, & cum reliquis toto corpore humoribus, tetterimè venenat. Quod vidit olim Schola Parisiensis, cuius auctoritatem Senatus ipse secutus iudicauit, veneficii arcessendos fore, quicunque illætabili isto medicamento ad purgationem abuterentur.

Non ergo contumacibus morbis ex stibio purgatio.

Proponebat Lutetiæ PETRVS REGNIER, Parisinus. A. R. S. H. M. DC. XLV.

DOMINI DOCTORES DISPUTATVRI.

M. Petrus le Mercier

M. Claudius Guérin.

M. Petrus Yvelin. Med. Reg. & Regina ordin.

M. Mathurin Deniau.

M. Franciscus le Vignon.

M. Petrus Legier.

M. Philippus Harduinus de S. Jacques.

M. Helius Beda.

M. Franciscus des François.

